

\* **Konstrui** (tr). 1 Starigi sur la tero masonaĵon aŭ ĉarpentaĵon : *~i domon, ponton, podion, turon, altaron Z*; *~i kastelojn en la aero* (Vd AERA); *kiu ĉe l' vojo ~as, tiun ĉiu instruas Z*; (f) : *~i neston Z, vojon Z, ŝipon*. 2 Aranĝi erojn de tuto laŭ ia ordo : *~i frazon B, ideojn, libron, verkon, poemon*; bone *~ita homo B*; bestoj *~itaj kiel la homo Z*; bonege *~itaj organoj de voĉo Z*; ĉiu lingvo natura *~iĝis blinde per la vojo de amasiĝado de la plej diversaj k pure okazaj cirkonstancoj Z* (Kp KOMPONI 1). 3 (f) Organizi ion abstraktan laŭ difinita formo : *~i sian fizikan ekzistadon sur io Z*; tiu tutmonda amo, kiu ĉion *~as, konservas k feliĉigas Z*; oni provas *~i la ĉiropan unuecon k la pacon de l' mondo*; nia ligo ne povis esti *~ita sur tiuj samaj principoj, kiel aliaj socioj Z*. 4 (G) Regule kunmeti vorton kun alia vorto aŭ speciala formo de vorto : oni *~as ĉiujn esp-ajn verbojn kun la helpa verbo « esti »*; tiu prepozicio latine *~iĝas kun la akuzativo*. ~o. 1 Ago *~i* : la *~o daŭris tri jarojn*; nenia *~o povas esti sen bruo Z*; alporti sian briketon al *~o Z*, sian ŝtonon por *~o Z*. 2 Maniero, laŭ kiu io estas *~ata* : la *~o de la regno Z*; tio venas de la *~o de niaj organoj Z*; vi nescias la *~on de tiu verbo*. 3 *~(it)aĵo* : ni ekvidis allan *~on*; en la granda blanka *~o Z*; *~o de l' korpo Z*, de lingvo Z; ruiniĝe renversi la tutan *~on de la morala mondo Z*. Mal~i (tr). Disfaligi *~(aĵ)on*. Pri~i (tr). Garni per *~aĵoj* : pri~i monton Z. Sub~aĵo. Bazo, fundamento de *~aĵo*.

**Konsulo Z**. 1 Ĉiu el la du unuĵaraj registroj de la antikva roma Respubliko. 2 Diplomata agento komisiita por protekti en fremda lando la aferojn de la samregnanoj.

**Konsulti Z** (tr). Demandi specialiston por koni lian opinion pri io; konsiliĝi kun kompetentulo : *~i advokaton, kuraciston, orakolon*; (f) *~i sian konsciencan*. ~iĝa. Rajtanta doni sian opinion pri demando, sed ne decidi pri ĝi : *~iĝa komitato* (kontraste kun balotrajta).

\* **Konsumi** (tr). 1 Detruu iom post iom la substancon de io; malrapide k grade neniigi, perdiĝi : la fajro *~as la lignon*; la vermoj *~as la meblon*; *~i sian heredaĵon*; *~i la tempon de iu per mal-*

*saĝa babilado B*; multe da tempo k energio estas vane *~itaj per tiu lernado Z*; malsato *~os tian forton Z*; mi *~os* (for~os) mian koleron sur ili Z; tiu eldono estas *~ita*; la eldonado de la gazeto *~as senreste niajn monrimedojn*. Kp PEREIGI, PERDIGI, ELSPEZI, ELĈERPI, CINDRIGI. 2 Iom post iom detruu ion, prenante ĝian substancon por sinnutrado aŭ por persona uzado : *~i kandelon, viandon, panon*; *~i sian antaŭan grason Z* (vivi el ŝparitaĵoj); *~i sian grenon antaŭ ĝia maturiĝo Z*; *~i la provizojn B*; oni jam *~is multan inkon por klarigi tiun punkton*. Kp FORMACI, FORUZI, ELSUĈI, MORDI. 3 Pereigi iun iom post iom per malrapida k konstanta senfortigado : li estis *~ita* (lacega) pro lia kuro B; *~i sian koron per vanaj afliktitaĵoj Z*; la envio *~as lin*; *~ata de la laboro, la malsano B*, la varmego Z; *~ita vizaĝo*; lia *~iteco maltrankviligas la edzinon*. Kp VELKIGI, LACEGIGI, LACEKONSUMI. ~anto. Tiu, kiu *~as vivrimedojn* : la doganimpostoj ŝirmas la produktanton malprofite al la ~anto. ~iĝi. 1 Iom post iom perdiĝi, neniigi : la faruno en la vazo ne *~iĝis Z*; vi ĝemos en la fino, kiam *~iĝos via karno k korpo Z*. 2 Iom post iom perdi siajn fortojn : *~iĝi per malsano, de malĝojo, en vana serĉado, en duboj* (Kp KADUKIĜI, VELKI). For~i (tr). Ĉis plena neniigo *~i* : for~i la fortojn Z; la homoj estus for~itaj de envio k zorgoj Z; for~i sian malamon super iu (sin venĝi, ĝis la malamo tute finiĝos).

**Konto**. Komerca skriba kalkulo pri ŝuldoj aŭ havoj de aparta persono : *reguligi sian ~on* (pagi la ŝulditon); *enskribi sumon en ies ~on B*; malfermi *~on al iu*; havi kuranlan *~on ĉe sia bankiero, ĉe la poŝto*; (f) *komerci je sia propra ~o B* (estante la prirespondanta mastro); (f) : *reguligi la ~ojn kun iu* (trakti iun laŭ lia merito; sin venĝi); la popolo postulis *~on de la regantoj* (postulos, ke ili pravigu siajn agojn); *ŝuldi ~on al iu* (devi pravigi sian konduton antaŭ li). ~(registri)isto. Homo, kies ofico estas kalkuli la ~ojn.

**Kontakto Z**. 1 Intertuŝo de du objektoj : la skabio komunikigas per *~o*; elektra *~o*; okaza *~o de du fadenoj*; la ŝipo restis konstante en *~o kun radiostacioj*.